

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPŠTINSKI SUD SARAJEVO
Broj: 65 0 K 858318 20 K
Sarajevo, 01.06.2021. godine**

U IME FEDERACIJE BOSNE I HERCEGOVINE!

Opštinski sud u Sarajevu, sudija Srđan Skoko, uz sudjelovanje zapisničara Sabije Kanlić, u krivičnom predmetu protiv optuženog **Z.M.**, postupajući po optužnici Kantonalnog tužilaštva Kantona Sarajevo broj: T09 0 KT 0159068 20 od 28.08.2020. godine, zbog krivičnog djela Bludne radnje iz člana 208. stav 2. u vezi stava 1. Krivičnog zakona Federacije BiH, nakon održanog glavnog, javnog i usmenog pretresa, kome je prisustvovao Kantonalni tužilac Sanela Škaljić, optuženi **Z.M.**, te branilac Dijana Hasić, advokat iz Sarajeva, na osnovu člana 300. Zakona o krivičnom postupku FBiH, dana 01.06.2021.god. donio je

P R E S U D U

OPTUŽENI: Z.M., sin M. i majke Z. rođene R., rođen ...1958. godine u mjestu M. R., Opština B., nastanjen u I., u ulici ...b.b. Opština I., po narodnosti ..., državljanin BiH, po zanimanju bravar, SSS, zaposlen u firmi „V“ doo I., srednjeg imovnog stanja, oženjen, otac dvoje djece, JMBG ..., **neosuđivan**

K R I V J E

što je:

Dana 03.08.2020. godine između 19,40 i 20,00 sati, u Sarajevu, u ulici ...bb, Opština I., S., dok je zajedno sa svojim prijateljem A.L. sjedio u njegovom dvorištu, u alkoholiziranom stanju, kada je došla A.-ova kćerka - djeteta XY rođena ...2011. godine, obratio se djetetu da dođe sjesti kod njega te je počeo dirati po kosi, govoreći kako je imao kćerku koju je volio te kako voli žensku djecu i svoje unuče, dajući joj pri tom novac u iznosu od 10 KM u vidu bajramluka, a kada se A.L., udaljio na nekoliko metara, kako bi bacio smeće, Z.M. prišao djetetu XY, iako je bio svjestan da se radi o djetetu starosti od 8 godina te je poljubio u usta, a potom je rukom dirao po grudima te zavukao ruku ispod njene haljinice dirajući je po njenom polnom organu, a sve sa ciljem zadovoljenja svog seksualnog nagona što je i htio, što je kod djeteta XY dovelo do niza negativnih emocija u vidu straha, zebnje, zabrinutosti, posramljenosti, stida, uznemirenosti, nesigurnosti i neizvjesnosti, sa poremećajem vitalnih dinamizama, usnivanje snova, na koji način je ista oštećena u neutvrđenom iznosu

dakle, učinio bludnje radnje prema djetetu

čime je: počinio krivično djelo Bludnje radnje iz člana 208. stav 2. u vezi stava 1. KZ-a FBiH

Nakon čega sud optuženog Z.M., u skladu sa članom 42., 43. i 49. KZ FBiH

**OSUĐUJE
NA KAZNU ZATVORA U TRAJANJU OD
2 (DVIJE) GODINE i 6 (ŠEST) MJESECI**

U skladu sa članom 57. KZ FBiH u izrečenu kaznu zatvora, optuženom se uračunava vrijeme provedeno u pritvoru, računajući od 03.08.2020. godine do 23.12.2020. godine.

Na osnovu člana 212. ZKP-a F BiH oštećeni A.L. i XY upućuju se na parnični postupak u pogledu postavljenog imovinsko-pravnog zahtjeva.

Na osnovu člana 202. stav 1. Zakona o krivičnom postupku Federacije Bosne i Hercegovine (ZKP FBiH) optuženi se obavezuje da na ime troškova krivičnog postupka isplati ukupan iznos od 850,00 KM, koji se odnose na troškove vještačenja po vještacima kliničke psihologije mr.sci. Dervović Elvedini i specijalisti neuropsihijatrije prim.dr. Čemalović Omeru, a koje troškove je optuženi obavezan isplatiti u roku od 30 dana od pravnosnažnosti presude pod prijetnjom prinudnog izvršenja.